



Ikamva-Ukunonophela
abantwana bethu

IsiKolo seCawa iKlasi 3

Isihloko sesifundo: “Ukomelela kwethu njengaBantwana bakaThixo”

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa esithi **“Ukomelela kwethu njengaBantwana bakaThixo”**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiqinisekison 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	“Ukomelela kwethu njengaBantwana bakaThixo”
Isicatshulwa seBhayibhile	Filipi 4 v 13
Injongo yesifundo	Isifundo sanamhlanje sisifundisa ukuba singabantwana bakaThixo kwanokuba ukukholwa kuThixo nakuKristu kusinika amandla okughubeka, nokuba amaxesha anzima.

Isishwankathelo sesifundo:

Isicatshulwa sethu seBhayibhile sesi sifundo sikuFilipi 4 v 13: Sisixelela ukuba:

“Ndinako ukuzenza izinto zonke, ndikulowo undomelezayo, uKristu.”

Wowu. Elinjani ilizwi elinamandla.

Nanga amabali ama-3 amafutshane abonisa la mandla, axelelwa ngabantu abanamava kuqala.

Amandla okuthwalela nokuxolela

UAnita wabelwa kwiklasi apho utitshala wayengqongqo kakhulu kwaye ngamanye amaxesha engenabulungisa. Wayenexhala. Umama wakhe wamxelela ukuba athandaze ngako oko, kwaye acele iNkosi ukuba imncede. Kungekudala uAnita waqinisekisa ukuba ufunda kakhulu - ukufunda nokubhala, kodwa kwanokuba wayefunda ukuxolela nokuqonda utitshala wakhe.

Isibindi sokuthetha inyani

Ibhayisekile yomzalwana wethu omncinci yabiwa ngaphandle kwevenkile. Kodwa walibela ukuyitshixa. Nokuba emva kokuyikhangela kwayo, akazange ayifumane. Wathandazela ukuba uThixo amncede. Kwakufuneka enze isigqibo sokuba abaxelele abazali bakhe inyani yokuba akazange ayitshixe ibhayisekile. Nangona babengazange bayifumane ibhayisekile, wayenokuzingca ngento yokuba wayenyanisekile.

Isibindi sokuvuma

Omnye wabahlobo bethu wayeyinxalenye yekwayara yesikolo. Wayeyithanda kakhulu. Wayekonwabela ukuzilolonga nokucula nabahlobo bakhe. Utitshala wakhe wabaxelela malunga nekhonsathi ezayo. INDLELA EMNANDI NGAYO. Kodwa ngokukhawuleza wabona ukuba ikhonsathi yayingoLwesithathu ngokuhlwa- ngexesha elinye nenkonzo. Kwakufuneka enze ntoni? Ukuphulukana nenkonzo ngoku kanye ngekhe kube yingxaki. Kodwa wathandaza ke waggiba ekubeni axelele utitshala wakhe ukuba akazokwazi ukucula kwikonisathi ngenxa yenkonzo. “Akukho ngxaki”, watsho utitshala, “siyijikile ikhonsathi ukuba ibe ngoLwesine. Ingaba unako ukucula ke?” Udade wethu wayechwayitile kakhulu. Kwaye kwangoko wabulela uBawo wethu oseZulwini ngoncedo lwaKhe.



Sithetha ukuthini esi Sifundo kuthi namhlanje?

Isifundo sifuna ukusifundisa ntoni?

- Wonke umntu kufuneka aphumele kumaxesha anzima okanye amava. Nabantwana bakaThixo. Kwaye ubomi bomntu wonke bohluke.
- UThixo usinika amandla okuphumela kumaxesha anzima.
- Ukuba ngumntwana wakhe kusinceda ukuba sikhethe phakathi kokulungileyo nokungalunganga. Kusinika amandla okuthetha inyani
- Asisodwa. UThixo uyazazi zonke izidingo zethu kunye nokukhathazeka kwethu.
- Bonke abantwana bakaThixo bayathandazelana. La ngamandla amakhulu.

Mhlawumbi unokucinga ngeendlela onokuvumela ngazo iNkosi ukuba ikuncede unike ukomelela komnye umntu-Bathandazele kule veki.

Eminye imibuzo esinokuyibuza:

- Ingaba abantwana banokucinga ngamaxesha ababeziva bebodwa okanye bebuthathaka?
Impendulo: Mhlawumbi bavuselele ngomzekelo.
- UThixo ubancede njani kwezi meko? Yintoni abanokuyenza?
Impendulo: Sinako ukusoloko sithandaza kuThixo. Sinako ukusoloko sicela **uncedo** kwabanye ingakumbi abazali bethu, ootitshala bethu kwakunye neenkokheli zethu.
- Singabelana njani ngala mandla nabanye?
Impendulo: Sinako ukufunda kuYesu. Sinako ukukhumbula ukuba singabantwana bakaThixo kwaye uyasidinga ukuze sincede abantu baKhe. Oku kusenza sithobeke siqonde ukuba uThixo usicelile ukuba sincede. Sinako ukuthandazela abahlobo bethu kunye nabo baphumela kubunzima.

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen